

Կ Ա Ր Գ

ՇԱՐՔԱՅԻՆ ԵՎ ՍՊԱՅԱԿԱՆ ԿԱԶՄԵՐԻ ՊԱՐՏԱԴԻՐ ԶԻՆԾԱՌԱՅՈՂՆԵՐԻ  
ԿՈՂՄԻՑ ՊԱՅՄԱՆԱԳՐԱՅԻՆ ԶԻՆՎՈՐԱԿԱՆ ԾԱՌԱՅՈՒԹՅԱՆ  
ԱՆՑՆԵԼՈՒ

1. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով (այսուհետ՝ կարգ) կարգավորվում են շարքային և սպայական կազմերի պարտադիր զինծառայողների կողմից պայմանագրային զինվորական ծառայության անցնելու ցանկության դեպքում նրանց պայմանագրային զինվորական ծառայության ընդունելու, պայմանագիր կնքելու և պայմանագրային ծառայության կազմակերպման գործընթացի հետ կապված հարաբերությունները:

2. Շարքային և սպայական կազմերի պարտադիր զինծառայողների կողմից պայմանագրային զինվորական ծառայության անցնելու դեպքում այդ զինծառայողների վրա տարածվում են «Զինվորական ծառայության և զինծառայողի կարգավիճակի մասին» Հայաստանի Հանրապետության օրենքով (այսուհետ՝ օրենք) և այլ օրենքներով պայմանագրային զինծառայողների համար սահմանված իրավունքները, պարտականությունները և սոցիալական երաշխիքները:

2. ՇԱՐՔԱՅԻՆ ԵՎ ՍՊԱՅԱԿԱՆ ԿԱԶՄԵՐԻ ՊԱՐՏԱԴԻՐ ԶԻՆԾԱՌԱՅՈՂՆԵՐԻՆ  
ՊԱՅՄԱՆԱԳՐԱՅԻՆ ԶԻՆՎՈՐԱԿԱՆ ԾԱՌԱՅՈՒԹՅԱՆ ՆԵՐԳՐԱՎՈՒՄԸ

3. Շարքային կամ սպայական կազմի պարտադիր զինծառայողը (այսուհետ՝ նաև պարտադիր զինծառայող) պայմանագրային զինվորական ծառայություն անցնելու ցանկություն ունենալու դեպքում կարող է մինչև պարտադիր զինվորական ծառայության սահմանված ժամկետի ավարտը, բայց ոչ շուտ, քան պարտադիր զինվորական ծառայության առաջին 6 ամիսը լրանալը, իր ծառայության վայրի գորամասի

(գինվորական կառավարման մարմնի) հրամանատարին (պետին) ներկայացնել գեկուցագիր՝ համաձայն Ձևի:

4. Պարտադիր զինծառայողի գեկուցագիրը գործնասում (գինվորական կառավարման մարմնում) մուտք լինելու օրվանից հետո 20 աշխատանքային օրվա ընթացքում իրականացվում է պարտադիր զինծառայողին պայմանագրային գինվորական ծառայության ընդունելու և նրա հետ պայմանագրային գինվորական ծառայություն անցնելու պայմանագրի կնքում՝ օրենքի 31-րդ, 32-րդ և 35-րդ հոդվածներով սահմանված կարգով:

5. Պարտադիր զինծառայողը պայմանագրային գինվորական ծառայության ընդունվում է, և նրա հետ պայմանագրային գինվորական ծառայություն անցնելու պայմանագիր կնքվում է, եթե՝

1) պարտադիր զինծառայողի նկատմամբ չի իրականացվում քրեական հետապնդում, կամ նա չունի չմարված դատվածություն.

2) շարքային կազմի, իսկ գեկուցագիրը ներկայացնելու օրվա դրությամբ կրտսեր ենթասպայական կազմի գինվորական կոչում ունենալու դեպքում՝ կրտսեր ենթասպայական կազմի պարտադիր զինծառայողը մարտական պատրաստության հիմնական առարկաներից ունի միայն դրական արդյունքներ.

3) պարտադիր զինծառայողն ունի նշանակման ենթակա՝ գինվորական պաշտոնին համապատասխանող գինվորական հաշվառման մասնագիտություն.

4) սպայական կազմի պարտադիր զինծառայողի դեպքում սպան համապատասխանում է նշանակման ենթակա գինվորական պաշտոնի անձնագրի պահանջներին.

5) պարտադիր զինծառայողը համաձայնություն է տվել նշանակվելու իրեն առաջարկված գինվորական պաշտոնին:

6. Սույն կարգի 4-րդ կետում նշված ժամկետի ընթացքում պարտադիր զինծառայողի գեկուցագիրը մերժելու դեպքում պարտադիր զինծառայողին այդ մասին տեղեկացվում է օրենքի 30-րդ հոդվածի 3-րդ մասով սահմանված ժամկետում և կարգով:

Ձև

ՀՀ ՊՆ-----գործառնապի հրամանատար  
-----ին՝

նույն գործառնապի-----  
(գրադեցրած պաշտոնը, զինվորական

-----  
կոչումը, անունը, հայրանունը, ազգանունը)

-----ից

**Ջ Ե Կ ՈՒ Ց Ա Գ Ի Ր**

Ես՝ -----

-----

(պարտադիր զինծառայողի զինվորական կոչումը, անունը, հայրանունը, ազգանունը)

20 թվականի \_\_\_\_\_ «    »-ին գորակոչվել եմ պարտադիր ժամկետային զինվորական ծառայության: Ցանկություն ունեմ «Պաշտպան Հայրենյաց» ծրագրով պայմանագրային զինվորական ծառայության անցնելու ՀՀ զինված ուժերում:

Խնդրում եմ ինձ օրենքով սահմանված կարգով ընդունել պայմանագրային զինվորական ծառայության և ինձ հետ կնքել պայմանագիր՝ օրենքով սահմանված ժամկետով:

(պարտադիր զինծառայողի ստորագրությունը, անվան սկզբնատառը և ազգանունը)

«    » \_\_\_\_\_ 20 թվական

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՎԱՐՉԱՊԵՏԻ ԱՇԽԱՏԱԿԱԶՄԻ  
ՂԵԿԱՎԱՐ

Ա. ՀԱՐՈՒԹՅՈՒՆՅԱՆ